

第十七册

卷四十三 傳第八

列傳八

義行 篤行

卷四十四 傳第九

列傳九

隱逸 方伎 仙釋

流寓

常德府志

卷

目錄第十七册





列傳

義行 郡中義行前代無攷明膺旌者十人我朝惟黎家丞一人而已歛人江承燧者倡修龍桿冷汎兩

洲石臺奉

勅祀常德忠義祠其生平行事不詳以非郡人故未列傳

褒榮僅遺覽者可以興矣

後漢

樊重後漢時人家貲鉅萬賑給宗族恩加鄉閭貸人以數百

萬臨終遺令焚其契券

舊志按武陵有樊重樊陂古遺跡見唐書志朗州註故錄之

明

蘇彬桃源人以縣多荒田科額累民請蠲不報洪武二十八

常德府志

卷四十三

列傳義行

年擊登聞鼓自縊其下得疏懷中詔免糧二萬二千石併

里為五十六萬歷間有司立廟以祀

一統志縣志明萬歷四年知縣鄭天佐

立祠祀之又以邑人張世用陳禧唐倫皆能留心民瘼附祠配享按與彬同時請蠲有黎漢廖翼邑人於香山立三

祠志

燕政桃源人正統六年歲飢輸粟一千五百石賑濟有司以

聞詔賜義門仍免三年戶役

通志

胥本初龍陽人副使必彰孫天順元年大旱捐穀萬石助賑

會奏奉旌建勅書樓兼賜膳田一十二石以旌其義

舊志

李曉龍陽人好施予有稱貸不能償即焚其券年九十終

舊志

會仲保龍陽人正統六年輸粟賑飢事聞以尚義受勅



徭役祀忠義祠

舊志

許東山字魯瞻龍陽生員嘗以大父所遺田數百畝與兄南山約曰吾輩卽不能效希文置義田猶當師其意遂捐所遺田給其族之急者施萬應膏及棺具以濟窶人奉詔冠

帶

縣志

鍾志達桃源人歲祲煮粥以啖飢者穀值騰貴復發廩平糶每石銀三錢仍輸於官以助賑知府陸獎之

舊志

陳仲鈞字子重常德衛人孝友好施與出穀倡立義倉荒年全活甚衆建石橋大小凡五處神鼎門外江岸久圯捐貲砌石知府黃額其堂曰惠濟

舊志

常德府志

卷四十三

列傳義行

張思賢武陵人正統間大水捐銀賑濟天順己卯大旱捐穀五百石濟衆又設粥道旁多所全活監司聞之奏授七品散官建坊表其門

舊志

陳湯命武陵人有隱德其稚孫嬉於巷拾遺金一封有姓字湯命訪年餘得其人還之

通志

賀璣武陵人多隱德時遇凶年捐粟千石賑濟所活甚衆

舊志

劉煥字文明龍陽人性慈祥無忤聞人有急若身罹之鄉人有主姓者老而獨夫婦病疫煥親煮藥得不死

縣志

廖文卿字世甫龍陽人重義好施遊太學歸不仕以詩歌



娛府縣雅重之區其門曰行重鄉邦志

彭勝紀龍陽人屢奉府道命修築大圍堤有保障功上司獎

之縣志

蕭襄龍鑿裴紹度俱以好義旌通志 紹度字又晉武陵諸生有本畧張獻忠入常德度

同鄉人數千避亂他邑時道路梗塞紹度指揮壯勇往反

護備皆藉安全有司欲保薦之力辭著有兵變記以曾孫

陳俞聖字子將武陵人按察僉事仲俞孫天啟辛酉舉人初

任襄陽府教授適同里楊嗣昌督師襄陽其友以誤軍需

當置法俞聖憫其無子救甚力不許遂引刀自刺楊乃允

後陞鄰水令增

常德府志

卷四十三

列傳義行

梅獻早字祥伯號莪雪武陵人授天長縣令因亂致仕隱居

張賊犯常德屠尸遍野獻早備工收瘞至數千

陳大忠號雙塘武陵庠生置家塾立家法教羣子弟閨門嚴

肅興於禮讓鄉人化之屢為鄉飲大賓邑尹王旌其閭曰

善人有雙華堂教條三十則子孫共爨五世子國寶字定

甫罷貢生獻賊之亂率從子文彬練鄉勇拒賊於文江渡

境賴以安賊退徧收所戮之骨為義塚作菴於側以表之

額曰淨土今存丁之翥撰狀畧

國朝

譚孫函聶希侃武陵人孫函邑諸生明季罷遭寇亂孫函累



糧詣經畧洪撫流亡各還集安定希侃字直甫有學行  
教授于鄉明季兵變侃奮勇鍊鄉兵力戰保全一方子孫

繫衍

楊世舉字文選武陵諸生明末賊掠其鄉民婦數十口逃入  
洞庭世舉往控于經畧洪盡反所掠還其家族數十戶患  
疫無過問世舉拯之手進湯藥起而後歸康熙己酉年九  
十邑合汪中立贈額

顧自玉字非石明末差務繁重有出田土契約付自玉為毀  
家代任 國朝定鼎悉還其約嘗至澧陽鄉市出資全人  
夫婦其家尸祝之後復過其宅毀其主而去

常德府志

卷四十三

列傳表行

四

張啟達武陵蓋生居家以孝養聞睦鄰恤族字人之孤葬貧  
不能葬者數喪雍正四年大旱出穀千石助賑明年夏飢  
甚復出穀一千二百石作粥糜食人遠近感其惠府縣俱  
給額旌獎又輸社穀捐助書院膏火倡修隄障不下千金  
戴珂武陵人少苦貧資館塾為生歲暮歸遇有男女相持泣  
者詢之乃夫嫁妻以償債遂傾橐給之子孫衣冠稱盛

戴縱字又多武陵諸生康熙四十六年奉例舉荒六年後俱  
照下則陞科武邑各衙屯田無此例當事者難之縱乃於  
五十八年條呈督撫 題請照道州則例又嘗斥廳吏還  
章氏占田出粟倡修老堤口障所行多義舉



楊體義武陵諸生勇於公義請帑剪修宿郎堰之南水障  
雍正間大水堤潰年凶體義捐穀千餘石賑修人得無餓  
堤工藉以告竣鄉人稱之

文吉人武陵人嘗剪修宿郎堰之北極等障不辭勞費百餘  
年荒廢墾治成聚落人賴其利

陳大濂武陵人與同里吳漢儒相友善俱以勤儉成家先後  
倡修橋梁津渡凡十一所經費約七千餘金賑恤張家橋  
石公橋火災每修橋皆與吳同心經理自起工日齋戒茹  
素至告竣始輟誠意懇切人以爲難

熊元英武陵人父儒爲捐助朗江書院膏火過城南一字橋  
欄徒涉者思壘石濟之甫下磴邁疾卒元英鳩工費數千  
金始告竣創修長壽橋亦累千金人利賴之

常德府志

卷四十三

列傳義行

六十五

阮維綱字敦三武陵人質淳篤聚而能施季子世醇仕粵東  
臨行綱戒之曰爲官以顯父母貪酷而致怨詈則辱父母  
矣汝好爲之用不足吾竭家資以濟汝苟簞簋不飭吾不

汝見歲饑平糶置義塚造渡舟及助人婚娶米嘗或吝

王先甲字更三武陵庠生兄弟交愛人無間言兩拾遺金  
驗還失者曾孫萬清監生萬新部請生感歎相和成祖

糶知府沈廷璠均給額獎之

賀高才武陵監生沈廷璠均給額獎之

心寬恕多義舉



商至任字伊三年二十四生子失偶不再娶性耿直好善捐  
置白雲祠祀田

唐待售字楚珩前殉難心堯曾孫父有篤疾左右就養積年  
不倦兄弟析產獨取瘠薄時復周卹貧乏壽九十八歲

堵爲畿武陵人好施與鄰里告貸率不責償初設有嬰堂畿  
臨沒卽以田五石充薪水資人多其義上俱武陟

余淳遠字粹亭鼎修縣治呂祖廟捐千餘金兼置房屋二所  
備香火資復修七里橋石路里餘好善樂施人稱長者

胡江字汪南桃源人其父適陝市紫霞灘幾死於水矢念修  
橋未遂卒江於康熙中修造石橋工未竣亦卒子以泰承

常德府志

卷四十三

列傳義行

七

中之資至三千餘金邑人文曙顏曰善因爾其善承先志泰

由雍正歲貢歷知龍巖州續縣志

何如蘭字惠菴桃源庠生雍正丁未歲大水殍殮載道蘭煮

粥濟飢全活甚眾買僕男女四人詢之知爲大族卽送歸

籍助戚黨婚喪解爭訟皆捐資不恤孫乃修貴州施屏縣

志續縣志

吳授昌字克讓桃源庠生兄早故遺二子俱幼撫教成立給

以田譚某流居比鄰夫婦繼亡俱爲殯葬恤其幼子

熊登先字翰飛嗜書史繼母喪營葬廬墓歲歉施粥食飢者

通人窘急及娶嫁過時率捐助不吝子孫相繼列薦仕



楊燭字大同桃源人遇鄉里貧餒者輒予衣食施棺槨有鄰某負債賣妻燭聞卽勸止代償之給以田使耕仍捐租稞邑令于聞而美之舉耆老使理社倉出陳借給畧無偏私侵蝕之弊鄉里稱善上全

程惟忠字心一桃源人捐建紫沔石橋及造渡舟歲荒設粥食飢者遇嫁娶貧乏輒為人成就年六十取千金貸券悉火之子孫衣衿稱盛上全

萬國安桃源人慈惠多善行年六十始生子人謂其有隱德全上按縣志國安六十無子其僕萬玉勸納妾生子屢禱祀保護之教讀完娶皆極力營辦安遭疾醫治不效玉割股愈之壽至八十三其義有足稱者

常德府志

卷四十三

列傳義行

八

彭上驥字德超桃源人八歲喪父善事繼母素好施與里中貧屢及孤寡者必周濟之有爭訟曲為排解臨終取貸穀券約二百餘石盡焚之上全俱續縣志

余勝舉嘗與邑人羅名臣向日昇等團練鄉勇禦流寇事平有戰地日祝庚潭者枯骨滿野督備檢瘞於雲圖山增下同下

羅時揆字百叙少賴伯父慎生教之成立敦孝友厲士行以績學行善勛其子子澤岱有黎姓以貧悔婚議將成岱急捐貲配之又捐田五十餘畝入沅南書院

張澄字靜芳廩生勤學厲行邑葺郡縣黌宮修桃源書院考棚澄年七十毅然相事病時猶屬其子霖繼之同時先後



勤劬死公者則有監生吳光廷生萬銓生員燕世安等  
高燾字遠菴篤學力行好善樂施倡修盤塘五福于家等橋  
累石構積費二千餘金子孫衣冠稱盛

胡琮字蒼友貢生乾隆年間歲饑嘗捐粟以賑窮乏邑令沙  
給惠周鄉里額

郭中信字由仲桃源庠生通岐黃術每以藥醫貧者守正不

阿遇事情恕理遣為人所服有艾氏兄弟忍爭忘其死將  
在質及其門交相悔而歸子士薦舉武科

羅時懋素好善行以桃邑書院久廢遺命有人修舉者捐田

充膏火子澤濬舉武科上俱桃源

常德府志 卷四十五

列傳義行

九

胡向明李瑞卿蕭鳳吾彭仁我俱龍陽人薙髮募修縣西陟

門石橋廣袤堅久費千餘金胡李亦各捐數十金首倡之

義為最縣志

黎家丞龍陽人祖鳳美嘗貸貲貿易全州如廁得遺金一封

守還失者家丞力田起家捐修龍池書院以田百石俸膏

火捐助育嬰堂薪水及義渡三處皆累數千金嘉慶五年

巡撫學政合疏題請

賜好善樂施額以子學錦貴加鹽運使銜增下

廖鑑字藻文龍陽庠生康熙間董修南港障工竣照土分田

稱均平捐田六十四畝充學田臨沒取貸券悉焚之子廷



龍廷彪率族人修宗祠置祭田義學上俱龍陽

吳啟昆字金友沅江諸生少自樹立負耒橫經以勤苦起家

學宮傾圮毅然倡修更諸爽塏歷五年始竣工喜施與未

嘗示人以恩里有某姓者歲饑欲鬻妻自活卽出貲全之

置義田建義塾熈行爲多以子俊升貴膺封沅江縣新志

李正美沅江人家不甚豐樂於推解戊戌歲早收抗穀三百

石煮粥以濟饑者孫支繁衍

吳占春沅江人業儒未竟以耕田貿易成家兄早故占春奉

孀嫂撫遺孤成立捐地六十六畝爲文昌閣香火費助修

武廟嘉慶元年恩給九品頂戴

常德府志 卷四十三 列傳義行

夏昭春沅江人有家貧欲鬻婦者出貲全之賑恤同里火災

橋梁道路之施所在多有嘉慶元年恩給八品頂戴四

世同堂年九十一上俱沅江

篤行

晉

閻曾武陵人避地涼州州牧張茂專伯隴右築靈鈞臺人苦

其役曾夜扣門諫罷之涼人大悅明統志晉書張茂傳張茂築靈鈞臺周輪八

十餘堵基高九仞武陵人閻曾夜叩門呼曰武公遣我來

曰何故勞百姓而築臺乎姑藏令辛巖以曾妖妄請殺之

宋

茂曰吾信勞人曾稱先君之命何謂妖乎



王皓沅江人宋祥符中封祀泰山遣使采包茅於沅江皓年  
踰八十能辨其茅採進三十束賜皓雙帛擢授岳州助教  
鄒惟能字公舉龍陽人習賦應舉有聲場屋子宗孟幼工賦  
己卯辛酉兩奉鄉書春官奏名次祖孟亦能傳其學龍陽志  
明

田鐸字徇伯桃源人偕弟清鍵僧戶讀書積數年父疾招之  
始出鐸中永樂辛卯舉人補鳳陽衛經歷清字齊伯永樂歲  
貢生由龍虎衛經歷陞長樂知縣居官均有廉惠聲著有  
荆堂倡和集增

鍾禔號清溪桃源人謹身積學自錄經史課入子皆能文章

常德府志

卷四十三

列傳篤行

十一

登仕籍而萬鑑最著仕至南戶部郎萬歷十二年魏故上  
從鑑請飭建祠廟錫額於其門增

許周字子忠龍陽人少孤敦行孝悌督學重其行選入書院  
歸遊桃岡蔣道林亟稱之以歲薦訓導新都學使勞署其  
考曰不構家累不爲身謀陞新化教諭著有西遊記

李詡桃源人性孝友甘澹泊督學董其昌奇其才歷任尋陽  
沅州辰州三學教職多所成就子彪白國朝鄉薦全

曾紹周龍陽人兄早世憫嫂守節奉之如母撫姪如子以歲  
薦授黃陂訓導翁生恕因族事拘繫值試期爲辨出得選  
拔轉永城教諭劉生應時兄弟以非罪見執亦爲力解臨



賜以百金堅卻之上今

借字汝時龍陽人撫庶弟倪及長分以資產有張二者年  
荒鬻妻借聞勸止捐金周恤之任德陽訓導先生鳳儀補  
廩尋卒哭返其贄終於官幾不能歸德士為立石上全  
藍田玉字石公武陵鄉貢抱逸才工翰墨明季絕意仕進浪  
迹東西常客燕士夫聞其名索書者踵相接暇則覓豪士  
與飲擊缶而歌流離不自恤湘潭王岱為作七襄記上全  
周尚謨龍陽人崇禎間寧鄉訓導九載講課盡職署寧鄉篆  
有德政邑士為立石陞湘陰教諭與嶽麓社成就尤多撫  
按會薦擢縣令以老辭著有餘園草卷六

### 常德府志

#### 卷四三

列傳篤行

又二

楊宏建字子中

龍陽人訓導連州連守憐其貧厚遺之不受  
賜恤諸生李邦義後登第經縣為位以哭

國朝

彭遐齡字次祖龍陽人博雅而慈和教諭衡山日與弟子員

講論不絕衡學色起亦時解囊周族急者卒於署縣志

戴先昌字子震武陵縣學生崇正末兩兄俱流離身故遺穉

男弱女教讀嫁娶如己出叔斌任鳳陽知府招之往母老

辭不赴以忤吳逆戍廣西逆平始歸子緯字星杼雍正壬

子貢士與友人高余養講易於柳葉湖莊著有易學訓家

圖說孫茗字君山貢士工文建學舍課子姪鄉山後

學貧者率資助之縣志



陳應元武陵人舉康熙癸酉姪長箴舉吉邠皆好學工詩文  
家素裕敦善行不怠一門子弟多俊秀巡撫趙申喬給羔  
雁成羣額長箴子詩韻亦好學試輒不售楊超曾開府兩  
江延致署中爲佐理及歸凡所贈衣裘服御封置一室以  
原裝歸超曾薦其賢於學使某公詩韻聞之不入試族子  
儀禮邑諸生丁曾祖父母及父母憂悉哀毀殯殮中禮兩  
遭回祿至賃舍以居畧不忍於中戊戌大饑有嫠嫂改適  
儀禮時外出甫歸以餒故昏絕於地族人告之故且給聘  
銀八兩卒堅拒不受

唐待徵字曉村武陵人祚培子雍正元年 詔舉孝廉方正

常德府志

卷四十五

列傳篤行

三

邑紳士舉待徵具牒固辭不就以明經選湘陰教諭撰德

山志梯霞堂集

學

丁用超字志遠武陵廩生讀書過目成誦日積寸餘淹貫經  
史以課徒爲業盛暑終日衣冠危坐生徒多所成就

周日章字闇然武陵諸生品行高潔少與楊超曾爲同學友  
雍正間超曾開府兩江欲辟而薦之屢遣使致書卒堅辭  
不往早歲邃於理學後長齋奉佛兼契元旨一生汲古全  
唐詩及漢晉以下各賦皆手錄盈箒

張德寬武陵舉人同 陳恪虞蕭士綬曹岱陳疇徐鵬貢生  
楊大本高應昇王用賓陳詩潤諸生皆動止不苟以古賢



行誼自勵爲文純雅有典則教授生徒遊座者多出其門  
貢士張方樂楊纘諸生李鈞歐陽眷陳同文風概亦復相  
類

彭逢年字對陽武陵人乾隆辛酉貢士穎敏好讀書口哦手  
錄不問寒暑經史子集及百家技藝皆撮其要繕寫幾貯  
成倉平時坐臥一小樓四壁皆畫天象夜則臥而觀之於  
舊圖每有增減兼通醫術精邵子皇極數督學夏之蓉試  
武陵稱爲先生而不名丁良弼武陵諸生通達簡默人呼  
爲佛子年六十餘猶能默誦六經三史與彭逢年爲中表  
而丁爲前輩皆好學深思通三式之學前知吉凶不爽時

### 常德府志

### 卷四十三

列傳篤行

三

刻終時自焚其書鄉人無得傳者

陳儒儀武陵人郡學生幼孤奉母孝嗜書兼窮術數之學以  
貧卒從子有周工詩善書舉乾隆庚子副車

余勳武陵人乾隆壬辰貢士遠於壁經周官友教鄉里多所  
成就

歐陽謙字吉六武陵人舉康熙甲午科授宜都縣教諭陞  
州府教授訓士皆準先儒矩矱學者率循之制藝傳頌一  
時

歐陽淑字孔淵武陵人少孤其母撫教成立以歲薦授郴州  
訓導卒於署里居賑貧恤孤人稱其耿介



張其緒字述三武陵人力學篤志舉乾隆甲子科六上公  
不售選嘉禾縣教諭勤慎修潔邑稱得師

堵廷璧字倉一武陵明經淳篤好學撫諸從子其燮三世選  
辰州訓導却諸生贊倡修學宮有庠生兄弟爭產結訟十  
餘年廷璧立解之且交相悔卒年九十

陳孜醇武陵人羅源令悌從子舉乾隆庚午科司鐸乾州陞  
長沙教授著有精齋詩文集

石補字天完武陵人乾隆貢士常寧訓導爲文有典法學者  
多宗之

劉注字方枚武陵人弱冠補弟子員與兄漢齊名同舉康熙

常德府志

卷四十一

列傳篤行

十四

丁卯鄉試初任永定衛學繼補祈陽教諭陞寶慶教授攝  
臨湘篆有循聲陞平樂知縣年已七十因乞休歸著有喬  
湖詩草

熊洙字泰源武陵人讀書強記有書渠之號從子覲字尺顏  
與洙齊名學使潘宗洛目爲國士聘佐文衡洙終明經覲  
中康熙乙酉鄉試

戴學超字華麓武陵人乾隆丁卯舉人少倜儻以遠到自期  
爲文尙典麗有集若干卷壬申公車歿於京邸

陳陞字常夏武陵諸生攻苦好學制藝力追先正學使吳鴻  
亟賞之負才跣跑年三十未竟所學而卒



周金鑑劉定進康希洙瞿騰蛟孫學源俱武陵人金鑑字三  
屏中乾隆戊子鄉試定進字吾山丁酉鄉試第一官臨湘  
教諭希洙字素齋甲午副榜第一騰蛟字詞宗癸卯鄉試  
第五皆工文詞構思出人意外表詞旨明暢觀者意愜學源  
邑諸生聞羅典王朗江書院講年已六十請肄業數月卒  
羅輓之云半載知交成夢寐數篇文字特精神蓋深惜之  
胡啟文字豹蔚武陵貢生嗜學家貧習爲農業耕鑿田間常  
以五經自隨少輟輒取讀之遂會通貫串以能文稱族弟  
啟心邑諸生通天文術數之學兼工詩詞有沃齋詩集  
楊健武陵人字任菴以所居產芝顏曰芝莊邑令翁運標亟

常德府志

卷四十三

列傳篤行

十五

賞其文中乾隆壬申 恩科補石門教諭歷九年告歸有  
族子瑞戴生進颺貧不能學資助之皆登仕籍孫曾林立  
白石門歸時以文藝相指授繞膝莫能辨也乾隆庚戌以  
五世同堂 恩賜耄齡垂裕坊暨黃緞銀米時健壽九十  
又數年卒子文斗字炳章邑令楊鵬翔奉檄採訪邑志延  
紳士六人文斗與焉  
張廷禧字高亭武陵廩生行己端慤以授徒講誦自娛嘗館  
於長沙郡守某公署深相知一日某公偶失檢卽捲橐歸  
後調守常德遣其子以束帛致敬終弗應婦黃氏工筆札  
未三十卒無子不再娶



丁方子字效靈武陵諸生瀟灑嗜學善吹笛每於天清水  
時垂綸湖畔停釣一弄人擬爲水仙以廩膳終著有樂詩  
散軼無傳

陳汝霖字筆人武陵人中乾隆壬申副榜以孝友稱嗜古求  
索不憚險遠郡紱紫山相傳有管白雲先生墓霖披剔荒  
榛得之呈請知府呂肅高爲樹碣

謝光國字賓王武陵人乾隆甲子副榜刊定經史深得古人  
之間時復駁正箋註人服其確爲古文具具有法程立品亦  
高潔

孫起鵬字翼雲光國弟子郡貢生少以孝聞持己莊厲不苟  
常德府志

卷四十三

列傳篤行

七

同流俗爲古文力追柳子厚郡守管學宣每徒步過訪與  
設藝夜分始歸畧不及於私著識均堂集

梅鼎字雪溪裴垚字酌堂武陵諸生與同學諸子砥礪倡爲  
詩有才子之目垚兼工分隸善鐵筆詩有思力不多作年  
四十餘卒鼎工畫竹詩學白陸撰著最多有糞心園集  
莫惟毅字貞夫武陵增貢生性嚴正人有過必正色相規終  
日危坐未嘗傾欹兼工岐黃術與楊世祿等倡修縣學捐  
變產捐貲以竣工士林稱之

戴進颺字夔班武陵歲貢生幼嗜古貧甚寒不爐暑不扇

精理學及皇極經世書



陳詩藹字夢錫武陵貢生赤貧力學資館穀爲生兄及弟皆賴以授室生徒遊庠者五十餘輩子丕禮嘉慶辛酉選貢考選覺羅官教習

唐世皞字景文武陵人狷介好學繼母林氏有篤疾世皞視寢膳調藥餌者十餘年從司鐸張正笏遊正笏著書世皞時與參訂

周室順武陵人與弟室金以貧苦成家皆不娶撫姪成立補諸生好義急公子孫遵其訓同居四世

宋言武陵人素好施與造渡舟置義田己亥歲饑平糶鄉里再出厚

常德府志

卷四十三

列傳篤行

六

戴希瑾字玉華武陵人性淳樸無外飾孝弟力田乃其素風父汝震壽百有餘歲兄弟四人皆壽考初全家遷居慈利父歿後惟希瑾獨歸每歲必省視其兄徒步往返三百餘里至老不廢嘉慶三年瑾年百有一歲攝縣李高翊以事聞授六品頂戴錫昇平人瑞額黃緞一疋給建坊銀復給存問銀蓋

特恩也

又四年卒子正知正笏見年皆八十餘以上武陵志稿

陳世卿字爾公桃源人慷慨有志畧不苟取與初托足商旅手揮千金堂弟世林早逝遺子熺尙幼引爲己任力成就之登鄉薦選光化令居平濟困扶危遠近爭慕續縣志



艾旦字旭菴桃源廩生性勤敏耽經籍能詩善書嘗與邑人

楊作純郭民歌等助興義學修川上亭

增下同

余以縉桃源人七歲出繼外家朝牧過山齋聽誦讀而亡其  
牛畏譴逃歸遂極力苦學成諸生館湯泉東岸鍵戶講貫  
經年不踰籬藩提督俞益謨過其地三訪之不得見著有  
鳳山講義

潘為楫字濟川桃源拔貢生嗜經史貧不能購書皆借抄漢  
宋諸儒注傳文集手錄成帙著積十數篋以字端跡楷見  
賞主司講課森嚴門下士步趨必繩以正時稱純慤

高維國字天翼桃源人性嚴正通河洛理數諸書嘗拒奔女

常德府志

卷四十三

列傳篤行

九

於市館以他事辭去有以詈怨告者輒謝以無故強暴者  
嘗擠之地僕從欲與較維國自以失足解其寬容多此類  
羅世賢字汝愚桃源貢生性敏善記下筆數千言疾如宿構  
少讀二十一史二十七日竟目頓失明有僧教閉以紙養  
之至月餘始復晚究心道書釋典年八十餘補平江縣訓  
導未任旋卒

張如昂字方昇桃源庠生性篤實教人文行交勵曲盡其誠  
晚喪庶母哀踰於制昂故教諭曾大章輓以聯云學足懲  
浮見則知為門弟子沒堪祭社古之所謂鄉先生

高蕙字佩菴桃源恩貢生少慧潛心經傳教讀多能文之士



子五人探副貢生堵拔貢生重陞同舉壬午鄉試歷仕縣令堵歲貢生孫與鄉薦補諸生者相繼

張銳桃源諸生砥礪廉隅歲歉平糶減田租以惠佃戶並置義學田

潘世輔字輝四桃源拔貢補洛陽縣丞治古文有典法巡撫畢沅加獎藉以疾卒於官上集桃源

王元世字貞復龍陽貢生端謹好學著中庸文義歿後諸門人為易名行狀增下司

高宗武字孫緒龍陽人性謙謹學以制心為要府縣屢辟為從事多所裨益子士藻有文行行狀

常德府志 卷四十三 列傳篤行 三

梁浴日龍陽諸生讀書過目不忘與武陵朱景英相切劘文字皆有法度試輒高等

吳伯肇字曉村龍陽貢生與王為壤兄弟結詩社著有蔗皮等集彭鳴霄歲貢生亦工詩有集

全倫道彭經遠龍陽人全舉乾隆壬申 恩科彭舉庚辰 恩科皆學敦行誼居官教授為學者宗式

童悟盛龍陽拔貢安鄉教諭兄禮盛歲貢生兄弟切磨為文有程法兼工詩古上集龍陽

張善猷字汝嘉沅江人治貢生潛心經史為文援筆立就善居喪盡哀盡禮觀者感歎康熙中任德安府訓導



陽教諭護理靖州知州事居官儉約以興行教化爲己  
門下多知名士致仕課子孫有聲庠序曾孫健字秉乾弱  
冠食餼歲薦選郴州訓導不赴銳意進取久之補寧鄉訓  
導士服其教陶翰林士俾贈聯云一代真儒宜壽考十年  
清宦近神仙蓋傾服之歸里問字者接踵遠近多所成就  
著有詩文集增

秦永祺字爾昌沅江歲貢爲文力追古人推誠接物人樂近  
之詩禮家法爲族黨矜式新縣志下同

張鑑字金錄沅江歲貢敦行誼居雜園闔閉戶却掃人罕見  
其面至老足跡不履公庭

常德府志

卷四十三

列傳篤行

三

楊有恥字行己沅江拔貢資性穎悟尤潛心好學北遊後學  
益深及其門者皆有稟承兄弟叔姪雖比屋而居每接見  
必以禮行誼動合古人

皮宗儀字如鳳沅江歲貢容止端肅教訓生徒嚴立科條有  
不率教者必畏以夏楚人稱丹山先生著有四禮備參

劉宗機號楓潭沅江人弱冠食餼益鏃礪與吳俊升同肄業  
草思經籍至廢寢食以明經老著有三禮互証等書

楊尙載字地德少失怙事孀母以孝稱年廿八始棄農業儒  
數月能文補諸生狀貌修偉視不左右顧表檢者遠避之  
集同學生整理學宮創修老棚並文峯塔一矢公慎沅志



百餘年未修輯尙載所至搜求成書六卷

陳本廉字以六沅江諸生

恩賜副榜居家敦孝友待同志

以禮久而不踰有不可者雖貴遊輒拂衣去鄉里皆敬憚

之經理公事尤矢公慎著家訓等書

沅志上俱

劉宗式桃源人以孝友聞閭里間羣式其和親鄰貧乏者時

周恤之年八十二未嘗履公庭

周世傲字宗彞龍陽人慷慨敦行誼時比之王彥方首捐百

金倡修龍邑文筆塔邑中遞發甲科孫朝烈武鄉薦

陳盛選字額俊龍陽人一揆孫少有至性傭工不娶事親撫

姪脩極勞瘁里有善人之目仲兄盛昌病且瞽禱于南岳

常德府志

卷四十三

列傳篤行

二十二

歸至寧鄉見兄于夢且泣且奔一夕底家目盡隨其之

如此上補錄